



**Cumùni di
Sant'Antòni**



**REGIONI AUTONOMA DI LA SARDIGNA
REGIONE AUTÒNOMA DE SARDIGNA
REGIONE AUTONOMA DELLA SARDEGNA**



BÀNDIU PA' LA STAMPA CUMÙNI DI SANT'ANTÒNI

“ABBRÌMU LI 'JANNI DI LA LINGA - ABERIMUS SAS GIANNAS DE SA LIMBA”

In Sant'Antòni tòrra a palti l'Ufficiu di la Linga Gaddhuresa; grazi a lu proggèttu “ABBRÌMU LI 'JANNI DI LA LINGA - ABERIMUS SAS GIANNAS DE SA LIMBA” pultatu addananzi, ancóra abànnu, da la RAS (Regiòni Autonoma di la Saldìgna), da li Cumùni di Caragnàni, Sant'Antòni, Locusantu, Lùrisi, Télti e Tèmpiu. Incumenciarani l'attivitài pa' prummu e galdà li linghi di minuria faiddhàti illu tirrittòriu gaddhuresu.

Lu scòppu è chissu di sighi lu trabaddhu cuminciatu illu 2021, chi grazi a lu bàndiu fattu da la RAS, pal mezu di la Lègghji 482 di lu 99 e la Lègghji Regionali 22 di lu 2018, vó galdà e dà valóri a li linghi di minuria chi esistini e li galitài alloglotti.

Lu progettu è fulmatu da 1300 óri, spaltuti pa' li diffarènti Cumùni, undi, si cilcarà di pultà lu Gaddhuresu e lu Saldu indrèntu a l'Amministràzioni Pùbbrichi e in tutti li cumunitài, faiddhèndi di algumènti sociali, amministrativi e di pulittica.

L'Istitutu Chircas, ènti chi ha vintu la gara pa' sighi lu silviziu, ponarà a dispusizioni l'oparadóri Maria 'Ittoria Pulixi, pa' l'attivitài di “*front office*” illa sedi di l'Ufficiu Turisticu di lu Cumuni di Sant'Antòni, tutti li malcuri da li 9 a l'11 di matinata. L'oparadóri pó esse chjamata pa' telefonu a li nùmmari 079-9147528 e 347-5866783 pal mèzu di mail a lu 'ndirizzu sportellolingue.altagallura@gmail.com o innantu a la paggina face book “Ufficiu di la linga Gaddhuresa”.

L'operadóri in chiss'óri d'Ufficiu Linghisticu, si ponarà a traduci l'atti amministrativi e l'avvisi pùbbrichi, ma podarà puru esse d'aggjutu a tutti li chi stani in Sant'Antòni chi àni nizissittù, curiositài o volaràni cunfruntassi cun iddha innantu a tematichi linghisticchi e culturali ch'ani fattu la storia di chistu tirrittòriu.

Lu scòppu di l'Amministràzioni Cumunali e di L'Istitutu Chircas mattèssi, è chissu di fà accustà a l'attivitài più passòni pussibbili di tutti l'età, dunca si cilcarà di fà in manéra chi tutticanti possini piddhànni palti chèna lacà fora a nisciunu.

L'Istitutu Chircas pal mezu di li só' collaboradóri e in accordu cu' l'Amministràzioni à lu scòppu di trabaddhà insèmbi a la cumunitài, pruppunèndi attivitài linghisticchi e culturali vel di tutti li passòni chi stani in Sant'Antòni pal mezu di ricerchi storichi, attivitài di laboratoriu illi scóli e in tutti li centri ricreativi, collaborà cu' li còri, scóli di musica, di baddhu, pro-loco e altu associazioni, com'e la ghjésgia e tutti l'altu olganizzazioni chi vi sò illu tirrittòriu.

**Proggèttu “ABBRÌMU LI 'JANNI DI LA LINGA - ABERIMUS SAS GIANNAS DE SA LIMBA”- Annualitài 2023.
Finanziatu da la RAS cu' la Legghji 482 di lu 99, alticculi 9 e 15 e cu' la Legghji Regionali 22 di lu 2018 - Sigùtu
da l'Istitutu Chircas**